


經史證類大全本草卷之八

草部中品之上

乾薑



乾薑味辛溫大熱無毒主胃滿欬逆上氣溫中止血
出汗逐風濕痺腸澼下痢寒冷腹痛中惡霍亂脹滿

風邪諸毒皮膚間結氣止唾血生者尤良

臣禹錫等謹按唐本又云

治風下氣止血宣諸絡脈微汗久服令眼暗

○圖經文具生薑條下

外臺秘要

治瘡不痊乾薑高良薑等分爲末每服一錢水一中盞煎至七分服

又方

治卒心痛乾薑爲末

米飲調

千金方

治齁鼻以乾薑末蜜和塞鼻中

肘後方

治陰易病體重小腹急熱上衝背頭重不

能舉眼中生翳膝脛拘急乾薑四兩末湯和溫服蓋取汗得解

又方

治寒痢切乾薑如大豆米飲服六七十枚日三夜一

服痢青色者爲寒痢累服而効

又方

治狗犬咬人乾薑末以內瘡中立差

又方

治蝎螫人爵王乾薑塗之

氏博濟方

治瘡乾薑炒令黑色搗爲末臨發時以溫酒調三錢服已發再服

廣利方

治諸蛇毒螫人

欲死又辟蛇乾薑雄黃等分同研用小絹袋盛繫臂上男左女右蛇聞藥氣逆避人螫毒傳之

又方

治鼻衄出血乾薑削

令頭尖微

孫真人

治水瀉無度乾薑末粥飲調一錢服立効

集驗方

治血痢神妙乾薑急於火

內燒黑不令成灰瓦碗合放冷爲末每服一錢米飲調下

又方

治咳嗽冷氣結脹乾薑爲末熱酒調一錢服又治頭旋眼

眩立効


傷寒類要

治傷寒婦人得病雖差未滿百日不可與交合爲陰陽之病必拘急手足拳欲死丈夫病名曰


陰易婦人病名爲陽易速爲汗之可痊滿四日不可療宜令服此藥乾薑四兩爲末湯調頓服覆衣被出汗方解手足伸而愈



涪州生薑



温州生薑



生薑味辛微溫主傷寒頭痛鼻塞欬逆上氣止嘔吐久

服去臭氣通神明生犍為川谷及荊州揚州九月採秦椒

為之使殺半夏夏良莖若毒惡黃芩黃連天鼠糞陶隱居云乾薑今惟

出臨海章安兩三村解作之蜀漢薑舊美荊州有好薑而並不能

作乾者凡作乾薑法水淹三日畢去皮置流水中六日更去皮然

後曬乾置甕瓶中謂之釀也又云生薑歸五藏去痰下氣止嘔吐

除風邪寒熱久服少志少智傷心氣如此則不可多食長御有病

者是所宜爾今人嗽諸辛辣物惟此最常故論語云不撤薑食言

可常噉但勿過多爾唐本注云薑久服通神明主風邪主痰氣生

者尤良經云久服通神明即可常噉也今云少智少志傷心氣不

可多食者謬為此說檢無所據今注陶注生薑別出菜部非條下

今并唐本注移在本條臣禹錫等謹按藥性論云乾薑臣味苦辛

治腰腎中疼冷冷氣破血去風通四肢關節開五藏六腑去風毒

冷痺夜多小便乾者治嗽主溫中用秦艽為使主霍亂不止腹痛

消脹滿冷氣痢治血閉病人虛而冷宜加用之又云生薑使主痰水

氣滿下氣生與乾並治嗽療時疾止嘔逆不下食生和半夏主心

下急痛若中熱不能食擣汁和蜜服又汁和杏仁作煎下一切結

氣實心腎擁隔冷熱氣神効蕭炳云生薑一名母薑孟詵云生薑

溫去痰下氣多食少心智入九月食傷神又冷痢取椒烙之為末

共乾薑末等分以醋和麪作小餅飽子服二七枚先以水煮更之

飲中重煮出停冷吞之以粥飲下空腹日一度作之良謹按止逆

散煩悶開胃氣又薑屑末和酒服之除偏風汁作煎下一切結實



衝背膈惡氣神驗陳藏器云生薑本功外汁解毒藥自餘破血調中去冷除痰開胃須熱即去皮要冷即留皮
日華子云乾薑消痰下氣治轉筋吐瀉腹藏冷反胃乾嘔瘵血撲損止鼻衄解冷熱毒開胃消宿食

圖經曰

生薑生犍為山谷及荊州揚州今處處有之以漢溫池州者為良苗高二三尺葉似箭竹葉而長兩兩相對苗

青根黃無花實八九月採根於長流水洗過日曬為乾薑漢州乾薑法以水淹薑二日去皮又置流水中六日更刮去皮然後曝之令乾釀於瓮中三日乃成也近世方有主脾胃虛冷不下食積久羸弱成瘵者以溫州白乾薑一物漿水煮令透心潤濕取出焙乾擣篩陳廩米煮粥飲丸如桐子一服三五十枚湯使任用其効如神又千金方主痰癖以薑附湯治之取生薑八兩附子生用四兩四破之二物以水五升煮取二升分再服亦主卒風禁猪肉冷水崔元亮集驗方載勅賜薑茶治痢方以生薑切如麻粒大和好茶一兩攪呷任意便差若是熱痢即留薑皮冷即去皮大妙劉禹錫傳信方李亞治一切嗽及上氣者用乾薑須是合州至好者皂莢炮去皮子取肥大無孔者桂心紫色辛粹者削去皮三物並別搗下篩了各秤等分多少任意和合後更搗篩一遍鍊白蜜和搜又搗一二千杵每飲服三九丸稍加大如梧子不限食之先後嗽發即服日三五服禁食葱油鹹腥熱麪其効如神劉在淮南與李同幕府李每與人藥而不出方或譏其吝李乃情話曰凡人患嗽多進冷藥若見此方用藥熱燥即不肯服故但出藥多効試之信然李卿換白髮方云刮老生薑皮一大升於鑑中以文武火煎之不得令過沸其鑑惟得多油膩者尤佳更不須洗刷便以薑皮置鑑

中密固濟勿令通氣令一精細人守之地色未分便須煎之緩緩不得令火急如其人稍疲即換人看火一復時即成置於蓬鋒中極研之李云雖曰一復時若火候勻即至日西藥成也使時先以小物點取如麻子大先於白鬚下點藥訖然後拔之再拔以手指熟撚之令入肉第四日當有黑者生神效

食療

生薑溫去痰下氣除壯熱治轉筋心滿去胃中臭氣通神明又胃氣虛風熱不能食薑汁半雞子殼生地黃汁

少許蜜一匙頭和水三合頓服立差又皮寒性溫作屑末和酒服治偏風又薑汁和杏仁汁煎成膏酒調服或水調下善下一切結

實衝

外臺秘要

治霍亂注痢不止轉筋入腹欲死生薑三兩搗破以酒一升煮三四沸頓服

又方

久患咳噫連咳四五十聲者取生薑汁半合蜜一匙頭煎令熟溫服如此三服立効

又方

治咳噫生薑四兩爛搗入蘭香

葉一兩板末一錢匕鹽和麪四兩裹作燒餅熟煨空心喫不過兩三度

又方

去燥糞生薑削如小指長二寸鹽塗之內

下部中

千金方

治乾噦若手足厥冷宜食生薑此是嘔家聖藥又治心下痞堅不能食胃中嘔噦生薑八兩細

切以水三升煮取一升半夏五合洗去滑以水五升煮取一升二味合煮取一升半稍稍服之

又方

治喉咽及毒氣生薑

二斤搗汁好蜜五合慢火煎令相得每服一合日五服

又方

治產後穢汚下不盡腹滿生薑二斤以水煮取汁服即出

肘後方

治霍亂心腹脹痛煩滿短氣未得吐下生薑一斤切以水七升煮取二升分作三服經驗方善

狐臭用生薑塗腋下絕根本
梅師方 治霍亂吐下不止欲死生薑五兩牛兒

服
又方 治腹滿不能服藥煨生薑
孫真人 治小兒咳嗽用生

孫真人食忌 正月之節食五辛
又方 八月九月食薑至春

食醫心鏡 治嘔吐百藥不差生薑一兩切如菹豆大以醋漿水七

五藏理傷寒頭痛去痰下氣通汗除臍塞效逆上氣止嘔吐去骨

熱膏膈中梟氣除風邪傷寒調和飲食湯壺居士云薑殺腹內長

蟲久食令人少
兵部手集 治反胃羸弱不欲動母薑二斤爛搗


智惠傷心性
楊氏產乳 胎後血上衝心生薑五兩切
唐崔魏公 鉉夜暴亡

之乃訖之曰食毒僕曰常好食竹雞竹雞多食半

夏苗必是半夏毒命生薑搗汁折齒而灌之活



滁州菜耳



葉耳實味苦甘溫葉味苦辛微寒有小毒主風頭寒痛

風濕周痺四肢拘攣痛惡肉死肌膝痛溪毒久服益氣

耳目聰明強志輕身一名胡葉一名地葵一名施音一

名常思生安陸川谷及六安田野實熟時採陶隱居云

菜倉七行切人皆食之以葉覆麥作黃衣者一名羊負來昔中國

無此言從外國逐羊毛中來方用亦甚稀唐本注云蒼耳三月已

後七月已前刈日乾為散夏水服冬酒服主大風癩癰頭風濕痺

毒在骨髓日二服九服二十二十九散服一二七服滿百日病當

出如癰疥或癢汁出或斑駁甲錯皮起後乃皮落肌如疑脂令人

省睡除諸毒螫殺疳濕蠱久服益氣耳目聰明輕身強志主腰膝

中風毒尤良忌食猪肉米泔亦主猢猻狗毒今按陳藏器本草云葉

耳葉按安舌下令涎出去目黃好腫子炒令香搗去刺使腹破浸

酒去風補益又燒作灰和臘月猪脂封丁腫出根又檀中子七枚

燒作灰投酒中飲之勿令知主嗜酒葉煮服之主狂狗咬臣禹錫

等謹按爾雅云蒼耳苓耳注廣雅云葉耳也亦云胡葉江東呼為

常葉或曰苓耳形似鼠耳叢生如盤釋曰詩周南云采采卷耳陸

機疏云葉青白色似胡荽白華細莖蔓生可煮為茹滑而少味四

月中生子如婦人耳瑤幽州人謂之爵耳藥性論云葉耳亦可單

用味甘無毒主肝家熱明目孟詵云蒼耳溫主中風傷寒頭痛又

丁腫困重生搗蒼耳根葉和小兒尿絞取汁令服一升日三度甚



驗日華子云治一切風氣填髓暖腰
脚治瘰癧疥癬及瘙痒入藥炒用

葉私以切

圖經曰

葉耳生安陸川谷及六安田野今處處有之謹按詩人謂之卷耳爾雅謂之苓耳廣雅謂之葉耳皆以實得名

也陸機疏云葉青白似胡荽白華細莖蔓生可煮為茹滑而少味
四月中生子正如婦人耳璫今或謂之耳璫草鄭康成謂是白胡
荽幽州人呼為爵耳郭璞云形似鼠耳叢生如盤今之所有皆類
此但不作蔓生耳或曰此物本生蜀中其實多刺因羊過之毛中
粘綴遂至中國故名羊負來俗呼為道人頭實熟時採之古今方
書多單用治丁腫困甚者生搗根葉和小兒溺絞取汁令服一升
日三又燒作灰和臘月猪
脂封上須更拔出根愈

雷公云

凡採得去心取黃精用竹刀細切拌之
同蒸從已至亥去黃精取出陰乾用

食療

拔丁腫根

脚又治一切風取嫩葉一石切搗和五升麥蘖團作塊於蒿艾中
盛二十日狀成麴取米一斗炊作飯看冷暖入蒼耳麥蘖麴作三

大升釀之封一十四日成熟取此酒空心暖服之神驗封
此酒可兩重布不得全密密則溢出又不可和馬肉食

聖惠

方治婦人風瘙癢癰身痒不止用蒼耳花葉
子等分搗羅為末豆淋酒調服二錢匕

又方

治產後諸病
神効蒼耳葉

搗絞汁溫服半
中盞日三四服

外臺秘要

療熱毒病攻手足腫疼痛
欲脫方取蒼耳汁以漬之

又方

救急

療齒風動痛蒼耳一
握以漿水煮入鹽含

千金方

治諸風當以五月五日午時乾地
刈取葉耳葉洗曝燥搗下篩酒若



漿水服方寸匕日三作散若吐逆可蜜和為丸服十二元隼計一方寸匕數也風輕易治者日再服若身體有風處皆作粟肌出或如麻豆粒此為風毒出也可以針刺潰去之皆黃汁出盡乃止五月五日多取陰乾著大甕中稍取用之此草辟惡若欲看病省疾者便服之令人無所畏若時氣不和舉家服之若病胃脹滿心悶發熱即服之并殺三蟲腸痔能進食一周年服之佳七月七月九月九月可採

千金翼

治身體手足卒瘕腫搗蒼耳傳之立効春用心冬用子

又方

治牙痛以蒼耳子五升水

一斗煮取五升熱含之疼即吐吐後復含不過三劑差卒葉亦得

又方

治一切丁痛取蒼耳根莖和葉燒作灰以醋

澱和如泥塗上乾即易不過十餘度即拔出其根

又方

治五痔方蒼耳莖葉以五月五

百一方

治卒得惡瘡以蒼耳桃皮作屑內瘡中佳

孫真人食忌

蒼耳合猪肉食害人

食

醫心鏡

除一切風濕痺四肢拘攣蒼耳子二兩搗末以水一升半煎取七合去滓呷

斗門方

治婦人血

風攻腦頭旋悶絕忽死忽倒地不知人事者用唱起章取其嫩心不限多少陰乾為末以常酒服一大錢不拘時候其功大効服之多連腦蓋善通頂

勝金方

治毒蛇并射工沙虱等傷眼黑口噤門今蒼耳是也


宜用此方蒼耳嫩葉一握研取汁

楊氏產乳

治誤吞錢葉耳頭温酒和灌之將滓厚罨所傷處

水中十餘度飲水愈

成州葛根



海州葛根



葛根味甘平無毒主消渴身大熱嘔吐諸痺起陰氣解諸毒療傷寒中風頭痛解肌發表出汗開腠理療金瘡止痛脅風痛

生根汁大寒療消渴傷寒壯熱

葛穀主下痢十歲已上

葉主金瘡止血

花主消酒一名雞齊根一名鹿藿一名黃斤生汶山川

谷五月採根曝乾殺野葛巴豆百藥毒陶隱居云即今之葛根人皆蒸食之當取入土深大者破而日乾之

生者搗取汁飲之解溫病發熱其花并小豆花乾末服方寸匕飲酒不知醉南康廬陵間最勝多肉而少筋甘美但為藥用之不及比間爾五月五日日中時取葛根為屑療金瘡斷血為要藥亦療瘡及瘡至良
唐本注云葛穀即是實耳陶不言之葛雖除毒其根入土五六寸已上者名葛脰音豆脰脰也服之令人吐以有微毒也根末之主痢居例切狗齧并飲其汁良蔓燒為灰水服方寸匕

主喉痺今按陳藏器本草云葛根生者破血合瘡墮胎解酒毒身熱赤酒黃小便赤澀可斷穀不飢根堪作粉
臣禹錫等謹按藥性

論云乾葛臣能治天行上氣嘔逆開胃下食主解酒毒止煩渴熬屑治金瘡主治時疾解熱日華子云葛冷治胃膈熱心煩悶熱狂止血痢通小腸排膿破血傳蛇蟲齧解署毒箭乾者力同

圖經曰

葛根生汶山川谷今處處有之江浙尤多春生苗引藤蔓長一二丈紫色葉頗似楸葉而青七月着花似豌豆

花不結實根形如手臂紫黑色五月五日午時採根暴乾以入土深者為佳今人多以作粉食之甚益人下品有葛粉條即此也古本多用根張仲景治傷寒有葛根及加半夏葛根黃芩黃連湯以其主大熱解肌開腠理故也葛共治腎古對切腰痛取生根嚼之嚥其汁多益佳桑主金刀瘡山行傷刺血出卒不可得藥但接桑傳之甚效正元廣利方金瘡中風瘳欲死者取生根四大兩切以水三升煮取一升去滓分溫四服口噤者嚥下即差

食療

葛根蒸食之消酒毒其粉亦甚妙

聖惠方

治時氣頭痛壯熱用生葛根洗淨搗取汁一大盞

一合煎至六分去渣不計時候分作二分服汗出即差未汗出再服若心熱加梔子十枚同煎去滓服

又方

治小兒熱

渴久不止用葛根半兩細剉水一中盞煎取六分去滓頻溫服

外臺祕要

被傷筋絕搗葛根汁飲之葛白屑熬令黃

傳瘡

千金方

酒醉不醒搗葛根汁飲一二升便醒

肘後方

治卒乾嘔不息搗葛根絞取汁服一升差

又方

治金瘡中風瘳欲死搗生葛根一斤咬咀以水一斗煮取五升去滓取一升服若乾者搗末溫酒調二三指撮若口噤不開

但多服竹瀝及生葛根自愈食亦妙

又方

食諸菜中毒發狂煩悶吐下欲死煮葛根汁飲之

梅師方

治金中經脈傷及諸大脉皆血出多

不可止血冷則殺人用生葛根一斤剉以水九升煎取三升分作三服

又方

治虎傷人瘡取生葛根煮濃汁洗瘡兼搗

葛末水服方寸匕日夜五六服

又方

治傷寒初患二三日頭痛壯熱葛根五兩香豉一升細剉以童子小便六升煎取二

升分作三服取汗觸風食葱豉粥

又方

治熱毒下血或因喫熱物發動用生葛根二斤搗取汁一升并藕汁一升相和

廣利方

治心熱吐血不止生葛根汁半大升頓服之立差

傷寒類要

治傷寒有數種痛人不能

分別今取一藥兼治天行病若初覺頭痛內熱脈洪起至二日取葛根四兩水三升內豉一升煮取半升服搗生根汁尤佳

方

治姙娠熱病心悶取葛根計二升分作三服

葛粉味甘大寒無毒主壓丹石去煩熱利大小便止渴

小兒熱痞以葛根浸搗汁飲之良

今附臣禹錫等謹按中品上卷葛根條功用與

此相

圖經

文具葛根條下

陳藏器

拾遺云用裹小兒熱瘡妙

聖惠方

治中鴆毒氣欲絕者用葛根三合水三中盞調飲之如口噤者

